

Broj: 06-11-284/2025-R-3-11
Sarajevo, 07.04.2025. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br.: 39/14, 59/22 i 50/24), a na prijedlog stalne Komisije za provođenje postupaka javne nabavke roba, usluga i radova, imenovana Rješenjem, broj: 08-30-253/2025 od 07.02.2025. godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU ROBA –
NABAVKA KANCELARIJSKIH MAŠINA ZA POTREBE GENERALNOG SEKRETARIJATA
VLADE FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka kancelarijskih mašina za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-284/2025-R-3-1, broj Obavještenja o nabavci sa portala javnih nabavki: 854-7-1-30-3-16/25 od 05.03.2025. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 13/25, kao najbolje ocijenjena prihvatljiva ponuda je ponuda ponuđača „**EMADO**“ d.o.o. **Sarajevo**, sa ukupnom cijenom ponude bez PDV-a, nakon provedene e-aukcije, u iznosu **29.900,00 KM**.

II.

Ponuda Ponuđača iz tačke I. ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama, a u skladu sa kriterijem za dodjelu ugovora Ponuđač je ponudio najnižu cijenu nakon provedene e-aukcije.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka javne nabavke, broj: 06-11-284/2025-R-3 od 03.03.2025. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 30.000,00 KM bez PDV-a. Obavijest o nabavci poslana je na objavu 05.03.2025. godine, te je istog dana objavljena na portalu Javnih nabavki pod brojem: 854-7-1-30-3-16/25, a Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 13/25.

Tendersku dokumentaciju preuzelo je 25 (dvadesetpet) privrednih subjekata, a 6 (šest) ponuđača dostavilo je ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: „EMADO“ d.o.o. Sarajevo, „C-SERVIS“ d.o.o. Sarajevo, Preduzetnička radnja „MEDIA MARKET“ Prijedor, „ELUR“ d.o.o. Kiseljak, „R&S“ d.o.o. Sarajevo i „IMTEC“ d.o.o Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-253/2025 od 07.02.2025. godine, izvršila je pregled i ocjenu ponuda, te konstatovala da su, od ukupno 6 (šest) dostavljenih ponuda, prihvatljive 3 (tri) i to ponude ponuđača: „EMADO“ d.o.o. Sarajevo, „R&S“ d.o.o. Sarajevo i „IMTEC“ d.o.o Sarajevo, dok su 2 (dvije) neprihvatljive i to ponude ponuđača Preduzetnička radnja „MEDIA MARKET“ Prijedor i „ELUR“ d.o.o. Kiseljak, a 1 (jedna) nepravilna i odbačena i to ponuda ponuđača „C-SERVIS“ d.o.o. Sarajevo.

Ponuda ponuđača „C-SERVIS“ d.o.o. Sarajevo, ocijenjena je kao nepravilna i odbačena iz sljedećeg razloga:

- U Tenderskoj dokumentaciji, Poglavlje IV PODACI O PONUDI, tačka 9. Rok važenja ponude, između ostalog, propisano je: „Period važenja ponude traje 90 (slovima: devedeset) dana od dana isteka roka za dostavljanje ponuda. U slučaju da je period važenja ponude kraći od roka navedenog u Tenderskoj dokumentaciji, Ugovorni organ će odbiti takvu ponudu u skladu s članom 60. stav (1) Zakona.“.

* Pregledom Ponude, konstatovano je da je Ponuđač, u tački 4. Izjave ponuđača, koja je sastavni dio Aneksa 2 – Obrasca za ponudu (strana 9. Ponude), naveo da njegova ponuda važi 60 dana, računajući od isteka roka za dostavljanje ponuda, što nije u skladu sa Tenderskom dokumentacijom. Period važenja ponude ne može biti kraći od roka navedenog u Tenderskoj dokumentaciju, u skladu sa članom 60. stav (1) Zakona o javnim nabavkama.

Ponuda ponuđača Preduzetnička radnja „MEDIA MARKET“ Prijedor ocijenjena je neprihvatljivom iz sljedećeg razloga:

- U Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE) u tabelarnom prikazu pod rednim brojem 2. MULTIFUNKCIJSKI UREĐAJ 4u1 (FAX, SKENER, KOPIR, PRINTER), u rubrici Tehnička specifikacija, alineja 11, traženo je: „- Scan file formati: TIFF, JPEG, PDF, XPS“.

* Pregledom dostavljene detaljne tehničke dokumentacije ponuđenog uređaja Multifunkcijski uređaj 4u1 Canon i-Sensys MF465dw i zvanične web stranice proizvođača Canon utvrđeno je da ponuđeni multifunkcijski uređaj 4u1 ne podržava format: XPS, što nije u skladu sa tehničkom specifikacijom.

Ponuda ponuđača „ELUR“ d.o.o. Kiseljak, ocijenjena je neprihvatljivom iz sljedećeg razloga:

- U Tenderskoj dokumentaciji, Poglavlje III UVJETI ZA KVALIFIKACIJU, tačka 1.2. podtačka c., između ostalog, propisano je: „U svrhu dokazivanja ispunjavanja uvjeta iz tačke 1.1. podtačka f) u pogledu ekonomske i finansijske sposobnosti ponuđač je dužan dostaviti: Potvrdu poslovne banke o solventnosti ponuđača, odnosno da u proteklih 12 (dvanaest) mjeseci, uključujući i datum objavljivanja Obavještenja o nabavci (05.03.2025. godine), transakcijski račun ponuđača nije bio blokiran...“.

* Ponuđač „ELUR“ d.o.o. Kiseljak dostavio je Izvještaj o računima poslovnog subjekta iz Jedinog registra računa Centralne banke Bosne i Hercegovine na dan 13.03.2025. godine. Pregledom Ponude, utvrđeno je da ponuđač nije dostavio potvrdu poslovne banke da račun nije blokiran u proteklih 12 (dvanaest) mjeseci, uključujući i datum objavljivanja Obavještenja o nabavci (05.03.2025. godine), kako je traženo Tenderskom dokumentacijom.

U skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23) provedena je e-aukcija dana 04.04.2025. godine, sa početkom u 11.00 sati, za javnu nabavku roba – nabavka kancelarijskih mašina.

Nakon provedene e-aukcije, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-284/2025-R-3-10 od 04.04.2025. godine i Preporuku o izboru najpovoljnijeg ponuđača „EMADO“ d.o.o. Sarajevo, sa registriranim sjedištem u Sarajevu, ID broj: 4201929330005 za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



SEKRETAR VLADE
[Signature]
dr. sci. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove